

頻伽大藏經

九洲圖書出版社

頻伽大藏經

九州圖書出版社

道

頻伽大藏經第五冊目錄

○大寶積經 續前

鬱伽長者會第十九	五・一
無盡伏藏會第二十	五・一四
授幻師跋陀羅記會第二十一	五・二三
大神變會第二十二	五・三四
摩訶迦葉會第二十三	五・四八
優波離會第二十四	五・六八
發勝志樂會第二十五	五・七七
善臂菩薩會第二十六	五・九二
善順菩薩會第二十七	五・一〇五
勤授長者會第二十八	五・一一一
優陀延王會第二十九	五・一一六
妙慧童女會第三十	五・一二二
恒河上優婆夷會第三十一	五・一二五

無畏德菩薩會第三十二……………五・一二七

無垢施菩薩應辯會第三十三……………五・一三六

序品第一(五・一三六) 聲聞品第二(五・一三九) 菩薩品第三(五・一四〇) 菩薩

行品第四(五・一四三) 授記品第五(五・一四八)

功德寶華敷菩薩會第三十四……………五・一五一

善德天子會第三十五……………五・一五三

善住意天子會第三十六……………五・一六二

緣起品第一(五・一六二) 開寶義品第二(五・一七〇) 文殊神變品第三(五・一七

二) 破魔品第四(五・一七四) 菩薩身行品第五(五・一七七) 破菩薩相品第六(五

・一七九) 破二乘相品第七(五・一八三) 破凡夫相品第八(五・一八九) 神通證

說品第九(五・一九二) 稱贊付法品第十(五・一九五)

阿闍世王子會第三十七……………五・一九七

大乘方便會第三十八……………五・二〇〇

賢護長者會第三十九……………五・二二二

淨信童女會第四十……………五・二四六

彌勒菩薩問八法會第四十一……………五・二五三

彌勒菩薩所問會第四十二……………五・二五四

普明菩薩會第四十三

.....

五・二六一

寶梁聚會第四十四

.....

五・二七二

沙門品第一(五・二七二) 比丘品第二(五・二七五) 旃陀羅品第三(五・二七七)

營事比丘品第四(五・二七九) 阿蘭若比丘品第五(五・二八二) 乞食比丘品第六

(五・二八四) 糞掃衣比丘品第七(五・二八五)

無盡慧菩薩會第四十五

.....

五・二八八

文殊師利說般若會第四十六

.....

五・二九二

寶髻菩薩會第四十七

.....

五・三〇三

勝鬘夫人會第四十八

.....

五・三二八

廣博仙人會第四十九

.....

五・三三八

大方廣三戒經

三卷 北涼曇無讖譯

.....

五・三五一

佛說如來不思議秘密大乘經

二十卷 宋法護等譯

.....

五・三七八

菩薩身密品第一(五・三七九) 菩薩語密品第二(五・三八七) 菩薩心密品第三(五

・三九〇) 震吼音聲菩薩來會品第四(五・三九二) 持國輪王先行品第五(五・三九

三) 菩提道品第六(五・三九九) 如來身密不思議品第七(五・三九九) 如來語密

不思議品第八(五・四〇四) 如來心密不思議品第九(五・四一三) 稱贊金剛手菩薩

大秘密主功德品第十(五・四一四) 菩薩苦行超勝以受食緣成熟衆生品第十一(五・

四一五) 菩薩詣菩提場品第十二(五・四一六) 降魔品第十三(五・四二一) 轉法

輪品第十四(五・四二二) 所緣品第十五(五・四二六) 金剛手菩薩大秘密主授記品

第十六(五・四三〇) 無二無說品第十七(五・四三三) 入曠野大城受食品第十八

(五・四三四) 護世品第十九(五・四三八) 去來品第二十(五・四四二) 勇力菩薩

先行品第二十一(五・四四五) 阿闍世王問答品第二十二(五・四四七) 賢王天子品

第二十三(五・四五〇) 總持功德贊說譬喻無盡品第二十四(五・四五二) 囑累正法

品第二十五(五・四五五)

○佛說無量清淨平等覺經 四卷 後漢支婁迦識譯 五・四六一

○佛說無量壽經 二卷 曹魏康僧鎧譯 五・四九四

○佛說阿彌陀三耶三佛薩樓佛檀過度人道經 二卷 吳支謙譯 五・五一四

○佛說大乘無量壽莊嚴經 三卷 宋法賢譯 五・五四二

○佛說大阿彌陀經 二卷 宋王日休校集 五・五五六

○阿閼佛國經 二卷 後漢支婁迦識譯 五・五八三

發意受慧品第一(五・五八三) 阿 佛刹善快品第二(五・五八八) 弟子學成第三

(五・五九一) 諸菩薩學成第四(五・五九四) 佛般泥洹品第五(五・五九七)

○佛說大乘十法經 一卷 梁僧伽婆羅譯 五・六〇四

○佛說普門品經 一卷 西晉竺法護譯 五・六一五

○佛說大乘菩薩藏正法經 四十卷 宋法護等譯 五・六三三

長者賢護品第一(五・六三五) 無怖夜叉品第二(五・六五〇) 菩薩觀察品第三(五

・六五四）如來不思議品第四（五・六五九）慈悲喜舍品第五（五・七〇〇）布施
波羅蜜多品第六（五・七〇五）持戒波羅蜜多品第七（五・七〇九）忍辱波羅蜜多品
第八（五・七三七）精進波羅蜜多品第九（五・七四二）禪定波羅蜜多品第十（五・
七七五）

大寶積經卷第八十二

曹魏三藏法師康僧鎧譯

郁伽長者會第十九

如是我聞。一時佛在舍衛國祇陀林中。給孤窮精舍。與大比丘僧千二百五十人俱。菩薩五千人。彌勒菩薩。文殊師利菩薩。斷正道菩薩。觀世音菩薩。得大勢菩薩。如是等而爲上首。爾時世尊與於無量百千大衆。恭敬圍遶而演說法。爾時郁伽長者與五百眷屬。出舍衛大城詣祇陀林給孤窮精舍。到已禮佛足。繞三匝已却坐一面。爾時復有法施長者。名稱長者。善與長者。耶奢達多長者。善財長者。愛行長者。給孤窮長者。龍德長者。實喜長者。是等各與五百長者俱。出舍衛大城詣祇陀林給孤窮精舍。到已禮佛足。繞三匝已却坐一面。是等一切及與眷屬。皆向大乘厚種善根。決定至於無上正道。爾時郁伽長者知諸長者皆悉集已。承佛神力向佛合掌。白佛言。世尊欲有所問。願垂聽許。說是語已。世尊告曰。長者如來常聽恣汝所問。隨汝所疑。我隨汝問。而當演說。悅可汝心。時郁伽長者聞是語已。白佛言。世尊。若善男子。善女人。發阿耨多羅三藐三菩提心。解向大乘。信於大乘。欲集大乘。欲乘大乘。知於大乘。護諸衆生。安慰撫喻一切衆生。爲欲安樂一切衆生。堅固莊嚴。我要當度於未度者。脫未脫者。無安慰者。當安慰之。未涅槃者。當令涅槃。荷擔一切。作大橋船。聞無量佛。智欲修佛。智發大莊嚴。知生死中無量苦患。於無量阿僧祇劫。心無憂惱。於無量劫。流轉生死。而心無倦。世尊是中若有住菩薩乘。善男子。善女人。或有出家修集法行。或有在家修集法行。善哉世尊。哀愍人天。阿修羅。世尊守護大乘。不斷三寶。爲一切智久住世故。世尊惟願演說在家菩薩戒德。行處云何。在家菩薩住在家地。如來所勅。隨順修行。而不損壞。助菩提法。於現法中。無纏覆業。得增勝行。世尊云何。出家菩薩捨所珍愛。而行出家。當教是等云何。行法云何。修善。出家菩薩云何。可住云何。不住如是。請已。爾時世尊告郁伽長者。善哉善哉。長者如汝所問。是汝等所宜。長者諦聽。善思念之。今爲汝說。在家出家菩薩所住學得勝行。郁伽白言。如是。世尊受教而聽。佛言。長者在家菩薩。應歸依佛。歸依法。歸依僧。以此三寶功德。迴向無上正眞之道。長者云何。在家菩薩歸依於佛。我要得成於佛身三十二相。以自莊嚴。持此善根。集三十二丈夫相。爲集此故。勤行精進。長者。是名在家菩薩。歸依於佛。長者云。

何在家菩薩歸依於法。長者。而是菩薩恭敬於法。及說法者。爲法欲法。樂法極樂。助法住法。持法護法。堅住於法。讚歎於法。住於法。行增法。求法。以法爲力。施法器仗。唯法爲務。我成阿耨多羅三藐三菩提。已當以正法等施一切人。天阿修羅長者。是名在家菩薩歸依於法。長者。云何在家菩薩歸依於僧。長者。若是菩薩見須陀洹。斯陀含。阿那含。阿羅漢。及與凡夫。若見聲聞乘。皆悉敬順。速起承迎。好語善言。右繞彼人。應當如是思念。我等得無上正真道時。爲成聲聞功德。利故而演說法。雖生恭敬心。不住中長者。是名在家菩薩歸依於僧。長者。在家菩薩成就四法。歸依於佛。何等四。不捨菩提心。不廢勸發菩提之心。不捨大悲。於餘乘中終不生心。長者。是名在家菩薩成就四法。歸依於佛。長者。在家菩薩成就四法。歸依於法。何等四。於法師人親近。依附。聽聞法。已善思念之。如所聞法。爲人演說。以此說法功德。迴向無上正真之道。長者。是名在家菩薩成就四法。歸依於法。長者。在家菩薩成就四法。歸依於僧。若有未定入聲聞乘。勸令發於一切智心。若以財攝。若以法攝。依於不退菩薩之僧。不依聲聞僧。求聲聞德。心不住中長者。是名在家菩薩成就四法。歸依於僧。復次長者。在家菩薩見如來已修於念佛。是名歸依佛。聞於法已修於念法。是名歸依法。見於如來聲聞僧已。而不忘失菩提之心。是名歸依僧。復次長者。若菩薩願常與佛俱而行於施。是名歸依佛。守護正法而行於施。是名歸依法。以此布施迴向無上道。是名歸依僧。復次長者。在家菩薩作善丈夫業。不作不善丈夫之業。長者。云何名爲善丈夫業。非是不善丈夫之業。長者。是在家菩薩如法集聚錢財。封邑非不如法。平直正求。非蠱惡求。不逼切他。如法得封起。無常想。不生堅想。惠捨無恚。給事父母妻子奴婢諸作使者。以如法財而給施之。所謂親友眷屬知識。然後施法。復次長者。在家菩薩荷負重擔。發大精進。所謂一切諸衆生等。五陰重擔。捨於聲聞緣覺之擔。教化衆生。而無疲倦。自捨已樂。爲衆生故。利衰毀譽。稱譏苦樂。而不傾動。超過世法。財富無量。而無僑逸。失利名稱。無有憂惑。善觀業行。守護正行。見毀禁者。而不生瞋。諸有所趣。善住所覺。除去輕躁。滿足智慧。助成他務。捨已所作。無所希望。有所爲作。而不中捨。知恩念恩。善爲所作。施貧封祿。有勢力者。折大僑慢。於無勢力而慰喻之。除他憂箭。忍下劣者。除捨僑慢。及增上慢。恭敬尊重。親近多聞。諮問明慧。所見正直。所行無爲。無有幻惑。於諸衆生。無有作愛。修善無足多聞。無厭所作。堅固與賢聖同。於非聖者。生大悲心。親友堅固。怨親同等。等心衆生。於一切法。無有愒惜。如聞開示。思所聞義。於諸欲樂。

生無常想。不貪愛身。觀命如露。觀於財物。如幻雲想。於男女所如。閉獄想。於眷屬所生。於苦想。於在田宅生死屍想。於所求財。毀善根想。於其家中。生繫閉想。於親族所生。獄卒想。於夜於晝。生無異想。於不堅身。生堅施想。於不堅命。生堅命想。於不堅財。生堅施想。彼云。何名於不堅身。生堅施想。他有所作。悉皆爲之作。務使命名。不堅身。生堅施想。不失本善。增現善根。是不堅命。生堅施想。降伏慳吝。而行布施。是不堅財。生堅施想。長者。是名在家菩薩。如是修集善丈夫行。於諸如來。無一切過名。相應語名。爲法語。無有異想。向無上道。復次。長者。在家菩薩。應受善戒。所謂五戒。彼樂不殺。放捨刀杖。羞愧堅誓。不殺一切諸衆生等。不惱一切等心衆生。常行慈心。彼應不盜。自財知足。於他財物。不生希望。除捨於貪不起。愚癡。於他封祿。不生貪著。乃至草葉。不與不取。離彼邪婬。自足妻色。不希他妻。不以染心視他女色。其心厭患。一向苦惱。心常背捨。若於自妻。生欲覺想。應生不淨驚怖之想。是結使力。是故爲欲。非我所爲。常生無常想。苦無我想。不淨之想。彼人應作如是思念。我當乃至不生欲念。況二和合體相摩觸。應離妄語。諦語實語。如說如作。不誑於他。善心成就。先思而行。隨所見聞。如實而說。守護於法。寧捨身命。終不忘語。彼應離酒。不醉不亂。不妄所說。不自輕躁。亦不嘲譁。不相牽掣。應住正念。然後知之。若心欲捨一切財。賄須食與食。須飲施飲。若施他時。應生是念。念是檀波羅蜜。時隨彼所欲。我當給施。又我當使求者滿足。若施彼酒。當攝是人。得於正念。令無誑惑。何以故。悉滿他欲。是檀波羅蜜。長者。是故菩薩。以酒施人。於佛無過。長者。若在家菩薩。以此受持五戒功德。迴向阿耨多羅三藐三菩提。善護五戒。又復應常離於兩舌。若有諍訟。應當和合。離於惡言。出愛輕語。先語問訊。不毀辱他。利益他語。法語。時語。實語。捨語。調伏語。不戲笑語。如說如作。不生貪癡。常安一切心。不毀壞常修忍力。以自莊嚴。常應正見。離諸邪見。不禮餘天。今當供佛。復次。長者。在家菩薩。若在村落城邑郡縣人衆中。住隨所住處。爲衆說法。不信衆生。勸導令信。不孝衆生。不識父母。沙門婆羅門。不識長幼。不順教誨。無所畏避。勸令孝順。若少聞者。勸令多聞。慳者。勸施毀禁。勸戒。瞋者。勸忍。懈怠。勸進。亂念。勸定。無慧。勸慧。貧者。給財。病者。施藥。無護作護。無歸作歸。無依作依。彼人應隨如是諸處念行。是法不令一人墮於惡道。長者。如是菩薩。一一勸導。乃至第七。欲令衆生住於德行。隨如是處。不能令住。而是菩薩。於此衆生。應生大悲。堅發一切智慧。莊嚴作如是言。我若不調。是惡衆生。我終不成。無上正眞道。何以故。我爲是故發誓。莊嚴不爲以調。無詔。

無偽具戒德行發大莊嚴。我當勤發如是精進。令所作不空。衆生見我即得信敬。長者若菩薩在如是城邑村落中住。不教衆生令墮惡道。而是菩薩諸佛所訶。長者。是故菩薩應當如是莊嚴大莊嚴。我今應當修行。是行住諸城邑村落。郡縣不令一人墮於惡道。長者猶如城邑有善明醫令一衆生病毒而死多衆。詞責如是長者。若是菩薩隨所住處。不教衆生令墮惡道。而是菩薩則爲諸佛之所訶責。復次長者。在家菩薩善修學行。所謂家者名殺善根。名不捨過害助善業。是故名家。云何名在一切結使在中住。故故名爲在。又復住於不善覺。故住不調伏。住無慙愧。愚小凡夫住不善行。諸惡過咎。是故名家。又復在家一切苦惱。悉在中現。害先善根。故名在家。又復家者。是在中住。無惡不造。是在中住。則於父母沙門婆羅門不好敬順。是名爲家。又復家者。長愛枝條憂悲苦惱。悉在中生。招集殺縛。呵打瞋罵。惡言出生。是故名家。未作善根掉動不造。已作善根。悉令散滅。智者所呵。謂諸佛聲聞。若住是中墮於惡道。若住是中墮貪瞋癡。是故名家。若住是中妨廢戒聚。定聚。慧聚。解脫聚。解脫知見聚。是故名家。若住是中父母妻息姊妹親友眷屬知識。貪愛所攝。常思念財貪欲無滿。如海吞流。終不滿足。若在家住如火焚薪。思慮無定。如風不住。在家消身。猶如服毒。一切衆苦皆悉來歸。是故應捨如離怨家。若住在家聖法作障。多起諍緣。常相違逆。住在家中善惡緣維多諸事務。在家無常。不得久住。是不停法。在家極苦。求守護。故多諸憂慮。謂怨親所在家無我到計。我所在家。誑惑無有實事。現似如實。在家離別多人傳處。在家如幻多容集聚。無實衆生。在家如夢興衰代故。在家如露速破。落故。家如蜜滴。須臾味故。家如刺網。貪著色聲香味觸。故家如針口蟲。不善覺食。故家如毒蛇互相侵。故家多希望。心躑躅。故在家多怖。王賊水火所劫奪。故家多論議。多過患。故如是長者。在家菩薩名善知家。復次長者。在家菩薩住在家中。善調伏。施分別柔順。應作是觀。若施彼已。則是我有。餘家中者。非是我有。已施者。堅餘者不堅。已施後。樂餘者現樂。已施不護餘者。守護若已。施者非愛所縛。餘者增愛。若已施者。非我所心。餘者我有。已施無怖。餘者怖畏。若已施者。是道基柱。餘是魔柱。已施無盡。餘者有盡。已施者樂。餘守護苦。已施離結。餘者增結。已施大封。餘者非封。若已施者。是丈夫業。其餘在者。非丈夫業。若已施者。諸佛所讚。其餘在者。凡夫所讚。如是長者。在家菩薩應堅住。施復次長者。在家菩薩若見乞者。應起三想。何等爲三。善知識想。他世富想。菩提基想。復有三想。順如來教想。欲果報想。降伏魔想。復有三想。於求者所起親眷屬想。

於四攝法起攝取想。於無邊生起出離想。應當如是生。是三想。復有三想。何等爲三。除貪欲想。除瞋恚想。除愚癡想。生是三想。何以故。長者。是人貪欲瞋恚愚癡俱得微薄。長者云。何三事俱得微薄。若施財時心無貪著。是名貪薄。於乞者所生於慈心。是名瞋薄。若布施已迴向無上正眞之道。是名癡薄。長者。是名施者貪瞋癡薄。復次。長者。在家菩薩見乞者。已修趣滿足六波羅蜜。想何等爲六。若是菩薩隨所有物無不施心。是名修趣滿檀波羅蜜。依菩提心施。是名修趣滿尸波羅蜜。於求者所不生瞋訶。是名修趣滿忍波羅蜜。若布施時不自己乏少之想。是名修趣滿進波羅蜜。若布施已心不憂悔。倍生歡喜。是名修趣滿禪波羅蜜。若布施已不得諸法不望果報。是明慧者。不住諸法。隨無所住。向無上道。是名修趣滿般若波羅蜜。是名菩薩見乞者。修趣滿於六波羅蜜。復次。長者。在家菩薩於世八法應生捨。彼人於家財賄妻子不生憂喜。假使忘失不生憂愁。應如是觀。有爲如幻。是妄想。相父母妻子奴婢使人親友眷屬。悉非我有。我不爲是造不善業。此非我宜。是現伴侶。非他世侶。是樂伴侶。非苦伴侶。我非護彼。我之所護。施調人。慧進不放逸。助菩提法。諸善根等。此是我有。隨我所至。彼亦隨去。何以故。父母妻子男女親屬。知識作使。不能救我。非我歸依。非我舍宅。非我洲渚。非我蔭覆。非我所是。陰界人非我。我所況父母妻子。當是我所。父母妻子是業所爲。我善惡業亦隨受報。彼亦隨業受善惡報。長者。而是菩薩去來坐起常觀是事。不爲父母妻子眷屬奴婢作使。造身口意惡不善業。猶如毛分。是故長者。在家菩薩於已妻所應起三想。何等三。無常想。變易想。壞敗想。長者。是名在家菩薩於已妻所生於三想。何等三。是娛樂伴。非他世伴。是飲食伴。非業報伴。是樂時伴。非苦時伴。長者。是名在家菩薩於已妻所生於三想。復生三想。何等三。不好想。臭穢想。可惡想。是名三復生三想。何等三。非我所想。非攝受想。乞求想。是名三復生三想。何等三。持身惡行想。持口惡行想。持意惡行想。是名三復生三想。何等三。欲覺想。瞋覺想。害覺想。是名三復生三想。何等三。黑闇想。汙成想。繫縛想。是名三復生三想。何等三。障戒想。障定想。障慧想。是名三復生三想。何等三。諂曲想。竊網想。猜伺想。是名三復生三想。何等三。災患想。熱惱想。病亂想。是名三復生三想。何等三。妖媚想。作衰想。霜雹想。是名三復生三想。何等三。病想。老想。死想。是名三復生三想。魔想。魔女想。可畏想。是名三復生三想。憂想。哭想。

苦惱想復生三想大雌狼想摩竭魚想大雌猫想復生三想黑蛇想尸守魚想奪奪精氣想復生三想無救想無歸想
無護想復生三想母想姊想妹想復生三想賊想殺想獄卒想復生三想瀑水想波浪想洄洑想復生三想淤泥想溺
泥想混濁想復生三想盲想紐想械想復生三想火坑想刀坑想草炬想復生三想無利想刺想毒想復生三想繫獄
想譴罰想刀劍想復生三想鬪諍想言訟想閉繫想復生三想怨憎會想愛別離想病想略說乃至一切鬪諍想一切
滓濁想一切不善根想長者在家菩薩於已妻所應生如是相貌觀念復次長者在家菩薩於自子所不應極愛長者
若於子所生於極愛非他人所則爲自毀應以三法而自呵責何等三菩提道是不等之心非不平等心菩提道是正
行所得非是邪行菩提道是無異行得非難行得復應呵已心於自子所生怨家想惡知識想非善知識想違逆佛智
平等之慈害我善根彼應隨處自調於心如愛其子一切亦然如愛自身一切亦然應修是觀我異處來子異處來何
以故一切衆生曾爲我子我亦是彼諸衆生子終不思念我子彼非何以故去至六趣而復爲怨或復爲子我其當作
等親非親我以何故於其所親倍生愛與於非親所一切不與我若生於愛不愛心不於非親所一切不與我若生於
愛不愛心不能趣法何以故不等之行至不等處行平等行至於等處我不應行是不等行我學等心一切衆生疾至
一切智長者在家菩薩於諸財物不生我想攝護想不繫於彼不想不愛不生結使復次長者在家菩薩若有乞者
來至其所有所求索隨所施財應至心念我所施財及不施財俱當散滅不滿所願必當歸死我不捨財財當捨我
今當捨令作堅財然後乃死捨此財已死時無恨歡喜無悔若不能施應以四事白於乞者今我力劣善根未熟於大
乘中我是初行其心未堪自在行施我是著相住我我所善大丈夫今向汝悔勿生嫌恨我當如是勤行精進滿足一
切衆生所願長者在家菩薩應當如是白於乞者復次長者在家菩薩聞過去佛語若不值佛及與聖僧彼應敬禮十
方諸佛諸佛本行乃至成佛悉生隨喜如是晝夜各三時淨身口意業淨於慈善具足慙愧清淨之服所集善根以菩
提心而生隨喜柔軟善作恭敬斷慢修行三分誦三分法專心悔過諸不善業更不造新一切福業悉生隨喜集滿相
好勸請諸佛轉於法輪於說悉受持一切法願佛久壽增長善根令我國土亦復如是復次長者在家菩薩受持八戒
修沙門行應當親近淨戒德行沙門婆羅門依止給使不見其過若見沙門越於戒行不應不敬又佛如來是應供正

遍覺戒行所勦。定慧解脫。解脫知見所勦。袈裟無有滓濁。一切結染皆悉捨離。仙聖之幢倍生恭敬。於彼比丘生大悲心。彼不應爲如此惡行。諸佛世尊名寂調伏。一切悉知。聖幢相服不寂不調。不伏不知。作此非法。如世尊說。不輕未學。非是彼過。是結使咎。以結使故。現造是惡。此佛法中有於出法。是人能出。則有是處。若解是結。修行正觀。得至初果。定趣無上正眞之道。何以故。智能害結。世尊又說。人則不應妄輕量人。則爲自傷。如來所知。非我所知。是故不應瞋嫌害彼。復次長者。在家菩薩。若入僧坊。在門而住。五體敬禮。然後乃入。當如是觀。此處即是空行之處。無相行處。無作行處。慈悲喜捨。四梵行處。是正行正住所安之處。我當何時捨於家垢。我當何時住如是行。應生如是欲。出家心。無有在家。修集無上正覺之道。皆悉出家。趣空閑林。修集得成。無上正道。在家多塵汙。出家妙好。在家具縛。出家無礙。在家多垢。出家捨離。在家惡攝。出家善攝。在家沒於愛欲淤泥。出家遠離愛欲淤泥。在家凡俱。出家智俱。在家邪命。出家淨命。在家多垢。出家無垢。在家衰減。出家無減。在家處憂。出家歡喜。在家則是衆惡梯墮。出家離墮。在家繫縛。出家解脫。在家畏懼。出家無畏。在家謫罰。出家無罰。在家多患。出家無患。在家煩熱。出家無熱。在家多求。苦出家無求。樂在家掉動。出家無動。在家貧苦。出家無苦。在家怯弱。出家無怯。在家下賤。出家尊貴。在家熾然。出家寂靜。在家利他。出家自利。在家之人。無潤精氣。出家之人。有大滋潤。在家結樂。出家滅樂。在家增刺。出家無刺。在家成小法。出家成大法。在家不調。出家調伏。在家離戒。出家護戒。在家增長。淚乳血海。出家乾竭。淚乳血海。在家之人。諸佛聲聞緣覺所呵。出家之人。諸佛聲聞緣覺所讚。在家無足。出家知足。在家魔喜。出家魔憂。在家不降伏。出家降伏。在家奴僕。出家爲主。在家生死。際出家涅槃。際在家墮落。出家拔墮。在家闇冥。出家明焰。在家之人。根不自在。出家之人。諸根自在。在家狂逸。出家不逸。在家不相應。出家相應。在家下觀。出家上觀。在家多營。出家少營。在家少力。出家大力。在家詔曲。出家正直。在家多憂。出家無憂。在家簡俱。出家除箭。在家病患。出家無病。在家老法。出家壯法。在家放逸。命出家修慧。命在家誑詐。出家無詐。在家多作。出家無作。在家毒器。出家甘露器。在家災患。出家無災害。在家不捨。出家捨。在家之人。取於毒果。出家人。取無毒果。在家之人。不愛相應。出家不與不愛相應。在家癡重。出家智輕。在家失方便。出家淨方便。在家失正意。出家淨正意。在家失至意。出家淨至意。在家之人。不能作救。出家作救。在家造窮劣。出家不造窮。在家非舍。出家作舍。在

家非歸。出家作歸。在家多怒。出家多慈。在家負擔。出家捨擔。在家不盡一切諍訟。出家盡諍。在家有過。出家無過。在家總務。出家閑務。在家熱惱。出家離熱。在家多難。出家無難。在家貯聚。出家無聚。在家財堅。出家德堅。在家憂俱。出家寂憂。在家損耗。出家增益。在家易得出家之人。億劫難得。在家易作出家難作。在家順流。出家逆流。在家處流。出家船楫。在家結河。出家越度。在家此岸。出家彼岸。在家纏縛。出家離纏。在家嫌恨。出家寂恨。在家王法。出家佛法。在家愛染。汗出家離染。在家生苦。出家生樂。在家淺近。出家深遠。在家易伴。出家難伴。在家妻伴。出家心伴。在家恩務。出家離務。在家逼他。苦出家樂他。在家財施。出家法施。在家持魔幢。出家持佛幢。在家巢窟。出家離巢。在家非道。出家離非道。在家稠林。出家離林。如是長者。在家菩薩漸次思念。我恒河沙等設於大祀。爲諸衆生。一日悉施。善調法中。生出家心。是則堅實。施已畢足。我今應當堅修戒聞。彼人僧坊。禮如來塔。生於三想。我亦當得如是供養。我亦當得慙一切衆生。留於舍利。我如是學。如是行。如是精進。疾得阿耨多羅三藐三菩提。設作一切佛諸事。已如佛如來入於涅槃。是入僧坊觀於一切諸比丘。德誰是多聞。誰是說法。誰是持律。誰持阿含。何等比丘持菩薩藏。誰阿練兒。何等比丘少欲。乞食著糞掃衣。獨處離欲。誰是修行。誰是坐禪。誰是營事。誰是寺主。悉觀彼行。隨誰人欲不生譏呵。若在寺廟及往聚落。有所言說。善護口業。若有比丘。乏於衣鉢。病藥所須。隨應給與。不令起瞋。何以故。諸天及人有妬嫉。結應倍護。彼凡夫人心非阿羅漢。凡夫起過。非阿羅漢。彼近多聞。爲修聞故。親說法者。修行決定。近持律者。調伏結使。不墮犯中。親近持於菩薩藏人。於學修行。六波羅蜜及修方便。近阿練兒。修學獨處。親近修行。修學端坐。若有比丘。未定位者。須衣施衣。須鉢施鉢。勸彼比丘。發無上心。何以故。此非勝處。財法攝彼如是長者。在家菩薩如是善知沙門之行。若有沙門鬪訟諍競。而利合之。捨於身命。守護正法。長者在家菩薩見病比丘。捨自肉血。令彼病愈。長者在家菩薩未開施心。不先請他。施已心悔。一切善本。以菩提心而爲上首。長者在家菩薩住在家地。如佛教行。不忘不失。助菩提法。現法無染。得增勝法。爾時郁伽長者及諸長者。一切同聲歡喜讚歎。希有世尊。善說在家過患。而猶未知出家戒行。出家功德。世尊我等亦觀在家多過。出家德大。惟願世尊哀愍我等。願得出家。說是語已。佛告長者。出家甚難。一向淨行。時諸長者白言。世尊。實如聖教。惟願世尊聽我出家。當如教行。爾時世尊即聽出家。告彌勒菩薩。一切淨菩薩。汝善丈夫。令是等出家。時彌勒

等令九千長者悉皆出家。是長者等受出家戒。是時復有千長者等。發阿耨多羅三藐三菩提心。爾時郁伽長者。白言。世尊。已說在家過患功德。善哉。世尊。願說出家菩薩戒聞功德之行。云何菩薩善妙法中調伏出家禮拜起住去來進止。佛告長者。善思念之。當爲汝說。出家菩薩應如是學。如是住。行。唯然。世尊。受教而聽。佛言。長者。出家菩薩應如是學。我。以何緣捨業出家。爲修慧。故勤加精進。如救頭然。應作是念。我今應住於四聖種樂行。頭陀長者。云何出家菩薩修四聖種。是出家菩薩隨所有衣。應生知足。歎美。知足不爲衣。故而行。妄語。若不得衣。不想不念。不生憂惱。設令得衣。心不生著。雖服著衣。而無繫著。不貪不住。知其過咎。知於出離。隨是知足。不自稱譽。不毀他人。長者。出家之人。隨所乞食。隨所敷具。亦當知足。而生歎美。不爲敷具而起妄語。不得不念。不生憂惱。得不染著。無染心。畜不憚。不繫。知其過咎。知出離。行隨是知足。終不自稱毀於他人。樂斷樂離。樂於修習。於此樂斷樂離。樂修不自稱譽。長者。是名出家菩薩住四聖種。復次長者。出家菩薩以上功德。持著身衣。何等十。爲慚耻。故。爲覆形。故。爲蚊蚋。故。爲風暴。故。不爲輕觸。不爲好。故。爲於沙門表戒相。故。此染色衣。令諸人天阿脩羅等。住塔想。故而受持之。解脫而染。非欲染衣。寂靜所宜。非結所宜。著此染衣。不起諸惡。修諸善業。不爲好。故。著染服衣。知聖道已。我如是作。於一念頃。不持染結。長者。是名出家菩薩十事功德。持著身衣。復次長者。出家菩薩見十事故。盡其形壽。不捨乞食。何等十。我今自活。不由他活。若有衆生。施我食者。要令安住於三歸處。然後受食。若不施食。於是衆生。生大悲心。爲彼衆生。勤行精進。令是衆生。所作辦已。後食其食。又我不違佛所教勅。爲殖滿足根本。因故。依降伏。慢慢積集。無見頂。因緣。故。不爲女人。丈夫。男女。共相合。故。平等乞食。於諸衆生。生平等心。集一切智莊嚴具。故。長者。出家菩薩見此十利。盡壽不捨於乞食法。若有至心敬信。來請爾時。應去。若有請者。不至心請。觀有自利利彼。因緣。即便應去。復次長者。出家菩薩見十利。故。終不捨於阿練兒處。何等十。自在。除。去。故。無我持。故。捨臥具。愛。故。寂。無愛。故。處。無可利。故。阿練兒處。捨身命。故。捨衆鬧。故。如來法中。所作作。故。寂定。適意。故。專念。無留難。故。長者。是名出家菩薩。見十德利。盡壽不捨阿練兒處。長者。若阿練兒欲聽法。故。有和上阿闍黎。因緣。事故。爲問病。故。至村聚中。當作是念。今夜還去。若爲讀誦。在房舍住。應作是念。我今故在阿練兒處。住阿練兒處。與法相應。於一切物。無有諍想。於一切法。無障礙想。集法無厭。長者。出家菩薩在阿練兒處。作如是觀。我。以何緣住阿練兒處。

非但空處名為沙門。是中多有不調不寂。不堅不相應。亦住是中。所謂獐鹿獼猴。鳥獸師子虎狼。賊旃陀羅。是等無有沙門功德。是故我應具阿練兒行沙門義。利謂繫念不亂。得陀羅尼。修大慈大悲。五通自在。滿六波羅蜜。不捨一切智心。修行方便。常以法施攝取衆生。教化衆生。不捨攝法。修行六念。勤進修聞。繫念修集。正相應行。不證果智。守護正法。信於業報。是名正見。斷於一切妄想。分別是正思惟。隨所解法。而爲演說。是名正語。除盡業滿。是名正業。斷除結習。是名正命。勤趣於定。是名正進。不忘諸法。是名正念。得一切智知。是名正定。解空不驚。無相不怖。無願不怯。心不執有。依義不依語。依智不依識。依法不依人。依了義經不依不了義經。長者。是名出家菩薩。住沙門法。復次長者。出家菩薩不應親近多人衆中。我應捨彼我之善根。終不捨於一切衆生。故修於善根。長者。出家菩薩有四親近。如來所許何等爲四。長者。出家菩薩親近聽法。是佛所許。親近成熟一切衆生。是佛所許。供養如來。是佛所許。親近不捨一切智心。是佛所許。長者。是名出家菩薩。四種親近。如來所許。長者。親近是四。勿親近餘復次長者。出家菩薩住阿練兒處。應如是念。我以何故來在此處。我來至此爲怖何事。畏誰故來。畏衆鬧故。畏親近故。畏貪瞋癡故。畏狂慢故。畏惱熱故。畏慳貪故。畏於色聲香味觸故。畏於陰魔煩惱魔死魔天魔故。無常常畏。無我我畏。苦中樂畏。不淨淨畏。心意識畏。現在誨打畏。我見畏。我所畏。惡知識畏。利養畏。非時語畏。不見言見畏。不聞言聞畏。一念言念畏。不識言識畏。沙門垢畏。欲界色界無色界畏。一切諸道生死處畏。地獄畏。畜生畏。餓鬼畏。我今怖懼如是等畏。來至於此阿練兒處。不住在家。慣鬧衆中。若不修行。不修念處。則不相應。脫是畏。故來至此處。過去無量菩薩摩訶薩。一切皆住阿練兒處。解脫諸畏。得於無畏。得無畏阿耨多羅三藐三菩提。未來菩薩亦復如是。住阿練兒處。脫一切畏。得於無畏。無上正道。現在菩薩摩訶薩亦復如是。住阿練兒處。修行無畏。得於無畏。阿耨多羅三藐三菩提。脫一切畏。是我今欲得無畏。脫一切畏。住阿練兒處。復次長者。出家菩薩住阿練兒處。無怖無畏。應如是學。若有畏者。皆由著我。皆由執我。我爲初首。皆由愛我。起我見。我想我持我妄想。於我守護於我。若住阿練兒處。不捨執我是爲失利。長者若住阿練兒處。無有我見。我是住阿練兒處。無有見著。是住阿練兒處。不住我。我所是住阿練兒處。長者當知。無涅槃想。是住阿練兒處。況煩惱想。長者謂阿練兒處者。不依著於一切諸法。不住諸法。於諸法無礙。不依色聲香味觸住。住一切法平等無垢。住善調心。棄一切畏。住